

欽定大清會典圖

欽定大清會典圖卷一百九十


輿地五十二


湖州府圖

甯波府圖

紹興府圖

湖州府圖





湖州府在省治北一百八十里至

京師三千二十里。領縣七。治烏程歸安東南德清西南武康安吉孝豐西北長興太湖在府治烏程縣北長興縣東北接江蘇震澤縣界東苕溪自杭州府錢塘縣北流入界經武康縣東南左合烏溪北經武康縣東德清縣西為餘不溪受後溪溪自縣西分前溪水東流過縣治北合流復分又東相溪出縣西南東北流為上渚河來注之又東注餘不溪餘不溪又東北過德興縣治東流折北曰雲溪支津東出為東塘河東流

入嘉興府石門縣界注舍山塘其正渠屈東北
經歸安縣東南埭溪出縣西南橫嶺合金山溪
屈東流過西塘河來注之。又北至菱湖鎮支津
東出為吳興塘東過舍山塘入嘉興府桐鄉縣
界注白馬塘其正渠又西北右出二支津曰思
溪曰長超港合東南流注吳興塘正渠又西北
受西塘河河上源為前溪出武康縣西北銅峴
山屈東南流經縣治西歧為二。夾治東流復合
右出一支津為後溪合上渚河東注餘不溪正
渠又東北經長安市為長安溪經德清縣境西


北為沙溪。過埭溪而北。至歸安縣南。為西塘河。又北注東苕溪。東苕溪又北。經府治南。錢山漾。左納妙喜港水。又北流。貫治城。東出支津。為運河。西受西苕溪水。北出支津。為小梅溪。匯於太湖。其正渠貫城而東。右出支津。為北塘河。東北流。接江蘇震澤縣界。亦匯於湖。正渠屈東北。至大錢口。匯於湖。運河自府城首受東苕溪水。東南流。經歸安縣東浦。前漾支津。東南出。為中塘河。東南流。合嘉興府石門縣北來之含山塘。折東北。注白米塘。運河又自浦前漾東北流。白米

塘河分嘉興府桐鄉縣北來之澗溪塘水西北
流合中塘河注之。又東北入震澤縣界西苕溪
一名龍溪。出孝豐縣西南廣苕山。合安徽甯國
府甯國縣來之石門水。東北流深溪景溪合北
流注之。過縣治南折北流。橫溪合諸山水東流
注之。又經安吉縣東南受東溪。溪上承杭州府
餘杭縣之北落溪北流。豐食溪即大溪。吳渚溪
即東浜溪。並出孝豐縣南北流注之。又北注西
苕溪。西苕溪經縣治東。又北西畝溪梅家山溪
並出孝豐縣西北合東北流注之。又北杜家溪

自安徽廣德州東流來注之。四公溪北流折西注之。至小溪口折東經長興縣南。右納和平港水。又東經烏程縣西。四安溪出長興縣西南。朱灣嶺屈東流注之。又東受呂山塘河。河自長興縣南分。箬溪水東南流。左出二支。津曰中橫塘。曰南橫塘。合東流注太湖正渠。又東南注西苕溪。西苕溪又東貫府治城。與東苕溪會。箬溪出長興縣西北。茗嶺屈南流。折東經縣西。亦曰上箬溪。貫城東出無胥港。自長興縣東北橫玉山西南流。過顧渚溪而南。合車渚溪及北溪注之。

又東南支津南出為呂山塘。正渠東流過北橫塘。匯於湖。顧渚溪出長興縣北。東南流經顧渚山。東過無胥港。折東北。支津南出為北橫塘。亂箬溪而東。匯於湖。正渠又東北至夾浦港。匯於湖。下塘河即運河。自杭州府仁和縣東北流經德清縣東南。又東入石門縣界。其支津北出東苕溪。經德清縣東。注東塘河。府東及東北界江蘇蘇州府。西界安徽廣德州。南界杭州府。東南界嘉興府。西南界安徽甯國府。西北界江蘇常州府。

甯波府圖



Map of the Pacific Northwest Coast of the United States

Latitude and Longitude Grid

Key Locations: Seattle, Tacoma, Portland, Astoria

甯波府在省治東南四百四十里至


京師三千六百四十里。領縣五。治鄞縣東南象山西南奉化西北慈谿東北鎮海。海環府北東南三西北自紹興府餘姚縣界南為慈谿縣東北境又南為鎮海縣西北及慈谿縣東境折西為鎮海北境又東南環霏霽城復折東南為縣東南境又西南為府治鄞縣及奉化縣東南境又南接台州府甯海縣界象山縣在海甯縣東海環其北東南三面。丈亭江自紹興府餘姚縣合慈谿縣西南之官船浦水東南流入界。經慈谿


縣西左納漁溪水。又東至丈亭鎮會後江。江上源曰橫溪。出縣東北小桃花嶺。東南流為香山港。中大河出鎮海縣北巾子山西流注之。折西為東大河。經縣南為後江。又西北右納長溪及白龍溪水。又西與丈亭江會。丈亭江復折東南為前江。右納大隱溪。又東南為甬江。經慈谿縣南鄞縣北。前大河西大河並自鎮海縣分中大河水合南流注之。又東南南塘河出鄞縣西南四明山東北分流會西塘河來注之。又至府治東北會鄞江。江上游為奉化江。出奉化縣西南。

六詔嶺東北流。北溪自紹興府餘姚縣來。屈東南注之。又東北經鄞縣南。始為鄞江。又至三江口。縣溪合奉化橋水。北流注之。又東北金溪出奉化縣東南。分水岡。南流者為黃蘗溪。入於海。北流者為金溪。右歧為鄞奉橋水。又北流注之。又東北前塘河出縣東南。道陳嶺。西北流會東錢湖。及東中塘河水。又北至府治東。與甬江會。甬江又東北。後塘河水出府治東。太白山西北流。右出支津為小峽江。入於海。正渠又西流注之。又東北為大浹江。入於海。東錢湖在鄞縣東。

南○西○溢○為○東○中○塘○河○會○於○前○塘○河○東○南○出○為○大
嵩○所○河○經○大○嵩○所○南○入○於○海○上○河○出○鎮○海○縣○東
南○有○王○嶺○東○北○流○歧○為○中○河○又○東○為○下○河○並○入
於○海○白○洋○湖○在○慈○谿○縣○北○北○出○為○洋○浦○杜○湖○亦
在○縣○北○東○北○出○為○淹○浦○東○南○出○為○松○浦○合○鎮○海
縣○之○山○北○大○河○並○東○北○流○入○於○海○東○大○河○出○象
山○縣○治○西○北○環○城○東○南○流○歧○為○西○大○河○並○東○南
流○入○於○海○四○明○山○在○府○治○西○府○北○至○東○南○界○海
西○北○至○西○南○界○紹○興○府○南○界○台○州○府○

紹興府圖





紹興府在省治東南一百四十里。至

京師三千三百四十里。領縣八。治會稽山陰東餘姚東南上虞嵊縣新昌西南諸暨西北蕭山。海在府東北。北接杭州府海甯州界。迤南為府治山陰縣北境。迤東為上虞縣西北境。又東為餘姚縣北境。又東接甯波府慈谿縣界。錢塘江南岸自杭州府富陽縣東流。經蕭山縣西南界。至義橋鎮西北。受浦陽江。江自金華府浦江縣東北流入界。經諸暨縣南至金雞山西。橫山港水自金華府東陽縣西北來。合裏浦港水注之。又

東北過縣治東。至茅渚埤。歧為二支。東曰下東江。北流楓橋港。出縣東北袁家嶺。西北流合蒲溪。嶺水注之。西曰下西江。五洩溪自杭州府富陽縣來。東北流注之。二支俱北流。至三江村口。復合。又西北經蕭山縣南。鳳桐港自富陽縣東來。經諸暨縣西北。折東北來注之。又西北州口溪。上承富陽縣之蔡家溪。東北流注之。又西北注錢塘江。錢塘江又折西北流。經西興驛。復折東北流。經縣北。循赭山。龕山出南。大疊至山陰縣北。入於海。曹娥江上源曰剡溪。出嵊縣西南。

欽定大清會典圖卷一百九十一


輿地五十三


台州府圖

金華府圖

衢州府圖

台州府圖





台州府在省治東南五百九十里至

京師三千八百七里。領縣六。治臨海。西仙居。東南黃巖。太平。西北天台。東北甯海。海環府東北至東南。三面临甯波府。奉化縣界。迤東南為甯海縣。北境又東接甯波府象山縣界。又南為甯海縣。東境又南為府治臨海及黃巖太平三縣。東境折西為太平縣。東南境又南接温州府玉環廳界。又為太平縣西南境。又西接温州府樂清縣界。椒江一曰靈江。上源曰永安溪。出仙居縣西南界烏嶺。北流金坑水上。承處州府縉雲

縣之龍溪東流來注之。又東北左納哈裏溪及大陳坑水。至田頭鎮西右納韋羌溪及西溪。又東北萍溪上承金華府永康縣之櫟溪東南來注之。折東南右納南溪。復東北至縣治東南左納白溪水及彭溪。又東右納朱溪。又經臨海縣西左納黃沙溪。右納芳溪。至府治西北三江村會始豐溪。溪出天台縣西南大盆山東北流右納周坑水。左納峇溪。折東經縣治西清溪鎮南左納清溪。經縣治南迤東南左納螺溪。折南倒溪出縣東寶花山。合歡溪屈西流注之。又南經


臨海縣北左納大石溪曲南流與永安溪會是為靈江。靈江又東南經府治南右納義成溪復折東北至雙江口。大田港出府治東北桐巖嶺合潮滌溪西南流注之。折東南至江口渚會永甯江。江上源為大橫溪出黃巖縣西南大寺基岡。屈東流合黃巖溪為甯溪。又東合半嶺水為烏巖溪。又東經烏巖鎮左納柔極溪右納小坑溪為永甯江。屈東北右納茅畚溪左納上畚水。經縣治西北沙埠溪出縣西南沙埠山東北流右出支津注南官河。正渠折北為西江注之。又

東北至三江口與靈江會。靈江又東南流，始為椒江。經章安鎮南海門城北，入於海。南官河出黃巖縣治東南印山，分三支：一北流貫治城，一東北流折南為東官河，一南流折東為南官河。合沙埠溪支津與東官河會，南流右納鑑洋湖水。經太平縣北為官塘河，右納大溪水，折東消溪出縣南谷忝門嶺，東北流折西北為月河。又合溫嶺河西北流注之。又東運糧河出縣東南松門山，東北流支津為石柱浦，入於海。其正渠西北流注之。又屈東北為金清港，入於海。花橋

港洞港並出臨海縣東北長大山桃渚港出縣
東大羅山合雉溪並東南流入於海橫渡溪出
甯海縣南湫水山東流為健跳江海游溪出天
台縣東南合亭旁溪泳溪出天台縣東北山為
清溪又為沙婁港混水溪出天台縣東北天台
山為白溪又合大溪為白嶠港並經甯海縣東
南東流入於海白渚溪出甯海縣東白嶠嶺西
流折東北為北河又東北為黃墩港浮溪出甯
海縣西北第一尖山東流為鐵江並東北流經
甯海縣東北入於海福溪出天台縣天台山北

流入紹興府新昌縣界為東港。天台山在天台縣北。府東界海。南及西南界温州府。西界金華府。北及西北界紹興府。東北界海及甯波府。東南界海及玉環廳。

金華府圖



This is a map of the Yangtze River basin in China, overlaid on a grid. The map shows the river's course from the south to the north, with various cities and regions labeled in Chinese characters. The grid is composed of 10 columns and 10 rows. The river starts in the bottom right corner and flows towards the top left. Labels include 'Yangtze River' (长江), 'Yangtze River Delta' (长江三角洲), and 'Yangtze River Basin' (长江流域).

金華府在省治西南四百里至

京師三千六百五十里。領縣八。治金華。南武義永
康。西南陽溪。東北浦江。義烏。東陽。西北蘭溪。婺
港。一曰東陽江。二源。一曰太白溪。出東陽縣東
北。東白山。合定安溪。西流。是為東陽江。又西合
笕竹溪。過縣治北。又經義烏縣南。右納瑞雲溪。
縉湖水。又西南盡溪。一曰南馬江。出縣東南。大
盆山。合檉溪。西北流。來會。亦曰義烏港。又西南
吳溪。出縣西南。金山。合丹溪。青溪。北流。注之。又
經金華縣東。右納孝順溪。蘇溪。赤松溪。經府治。

南會武義港。港一曰南港。上游為華溪。出永康縣東北密浦山。合酥溪西南流。至縣治南。南溪自處州府縉雲縣來。合李溪水北流。注之為永康港。又西南左納高坑溪。經武義縣東。始為武義港。左納清溪。至縣治東南。熟溪自處州府宣平縣來。東北流。注之。折西北左納桃溪。至府治東南。右納松溪。又西北。梅溪亦自宣平縣東北來。合上干溪。下干溪注之。又北與東陽江會。是為婺港。婺港又西北左納白沙溪。又西北經蘭溪縣南。會衢港。港一曰澂江。自衢州府龍游縣

東流入界。經湯溪縣西北。萃坂溪出縣西南。清涼山。北流為小龍溪。注之。游埠溪出蘭谿縣西北。東南流。注之。又東北。右納羅埠溪。又經蘭谿縣西南。左納永昌溪。又東北。與婺港會。是為蘭谿江。蘭谿江折北。過縣治西。又北。乾溪出縣西北。會嚴州府建德縣之芝溪。東南流。注之。大梅溪自浦江縣南西流。注之。又北。入建德縣界。浦陽江出浦江縣西北。井礪嶺。合褒溪水。東南流。又東。經縣治南。又東。右納澄溪水。折東北。左納左溪。深溪。松溪水。又東北。入紹興府諸暨縣界。

湖溪出浦江縣西北截柘嶺北流錯入嚴州府
桐廬縣界復經縣北為湖濮水入杭州府富陽
縣界橫山港出東陽縣北北流入諸暨縣界深
溪西溪石道地溪亦出縣東北北流入紹興府
嵊縣界夾溪出縣東尖山市東流入紹興府新
昌縣界為西港擇溪出永康縣東南大嶺東南
流入台州府仙居縣界為上源溪雙牌溪出縣
東南八盆嶺西南流入縉雲縣界為靈溪府東
界台州府西及西南界衢州府南及東南界處
州府北界杭州府東北界紹興府西北界嚴州府

衢州府在省治西南五百四十里至

京師三千七百四十里。領縣五。治西安。東北龍游。西北開化。西南江山。常山。衢港。一曰信安江。上源二。一曰馬金溪。一曰江山港。馬金溪出開化縣東北馬金嶺。合際嶺水。東南流。左納石厓界。阮及金竹嶺水。經縣南。又西南池淮溪出。縣西北大鑛鎮。東南流。合白沙關水。注之。又東南經常山縣西北。左納開化縣之馬廷溪。曲東南至縣治西北。右合儻溪。又東。右納江山縣之大寨山水。又東北。左納虹橋溪。及芳邨溪水。為常山

港○又東至府治西南雙港口○會江山港○上游為
大溪○一曰文溪○出江山縣西南仙霞嶺○北流經
仙霞關至硤口鎮○右會東角源水○又北折東○右
納箬坑源水○又東北過縣治東南○白石源水自
西安縣分東溪水西來注之○為江山港○又東北
過府治北○與常山港會○是為衢港○衢港又東北
至府治西南○東溪自處州府遂昌縣北來經西
安縣南○支津西出為白石源正渠○又北流注之○
屈東流○左納銀坑水○右納羅張水○又東經龍游
縣西○左納芝溪○又東北經縣治北○靈山港上承

遂昌縣官溪水東北流來注之。金村源及斗潭
溪水並西南流注之。又東錯入金華府界。復入
境右納築溪水。又東入金華府湯溪縣界。府東
界金華府。西界江西饒州府。南及東南界處州
府。北及東北界嚴州府。西南界江西廣信府及
福建建甯府。西北界安徽徽州府。

欽定大清會典圖卷一百九十二

輿地五十四

嚴州府圖

溫州府圖

處州府圖


定海廳圖


嚴

州

府

圖





嚴州府在省治西南二百九十里至


京師三千五百里。領縣六。治建德。西瀘安。西南壽昌。遂安。西北分水。東桐廬。新安江即浙江。自安徽徽州府歙縣東南流入界。經淳安縣西北威坪鎮南。蜀口溪三源合南流注之。又東南左納雲源溪。右納梓桐溪。又南流折東。經縣治南。臨溪出縣西北。山東南流為進賢溪。又為東溪。折西南注之。又南至港口鎮。會武強溪。溪一曰遂安溪。上源為迴溪。亦自歙縣東南流入界。經遂安縣西。合安徽休甯縣之雙溪。始為武強溪。又


東左納大連嶺溪右納前溪折東北左納連溪
經縣治東又東北左納涇安縣之龍溪又東北
右納鳳林港左納東亭溪又經涇安縣南右納
遼源溪又東北與新安江會新安江折東北右
納商家源水至茶園鎮左納錦溪又東經建德
縣西南艾溪上游為壽昌溪出壽昌縣西南合
交溪西溪曹溪周溪爽溪東流折北注之又東
北左納洋溪下涯溪過府治南東北流蘭谿江
自金華府蘭谿縣北流來會又東北苔溪二源
合西北流注之為七里龍左納胥溪又經桐廬

縣南為桐江。右納建德縣之蘆茨溪。又北清渚港。即歌舞溪。自分水縣東南流注之。過縣治東而北。受分水港。港上承天目溪。自杭州府於潛縣東南流入界。經分水縣北。合印渚溪。又過縣治東北。前溪自淳安縣東北流。合其縣之羅伍溪。羅溪注之。又東南。右納夏塘溪。又東南。注桐江。桐江又東北。右納窄溪。又東北。翬江自杭州府新城縣南流來會。又東入新城縣界。湖源溪自金華府浦江縣入界。經桐廬縣東南。北流復入浦江縣界。府東至南界金華府。西及西北界。

安徽徽州府北及東北界杭州府西南界衢州府

溫
州
府
圖





温州府在省治東南八百九十里至


京師四千九十里。領廳一縣五。治永嘉南平陽東
南瑞安。西南泰順。東北樂清。玉環廳。海在府東。
北接台州府太平縣界。迤南為樂清縣東境。又
西南為府治永嘉縣東境。又南為瑞安縣東境。
又南為平陽縣東南境。其南有北關山。南關山
諸島。又西南接福建福甯府福鼎縣界。甌江即
大溪水。自處州府青田縣東北流入界。經府治
西北東南流。左納韓埠港。右納上戍港水。屈東
右納仙門河。過府治北。又東。左受枏溪港。港出


府治西北界烏嶺東南流。南溪港合張溪蓬溪
來會。又南流注甌江。甌江右受塘河。河出瑞安
縣北集雲山。南流過縣治城。又東南支津東南
出為九里浦入於海。正渠折西北經府治東南
支津東北出為葵溪。與正渠並注甌江。甌江又
東入於海。飛雲江上源為仙居溪。出泰順縣西
北北坑山。南流折東過縣治北。折南又東至洪
口市為洪口溪。又北過百丈口市為百丈口溪。
下窄口溪自處州府青田縣南來注之。又東南
經瑞安縣西為大溪。東北流。右納桂溪。左納泗

溪潞門溪。又東南至平陽阮市。始為飛雲江。又
屈曲東流。南溪出縣西北花甲嶺。合陶溪為小
港水。東南流注之。又屈東南。經縣治西南。運塘
河出平陽縣西南九凰山。東北流為南岸塘。河
注之。又東南入於海。橫陽江二源並出平陽縣
西南山。南源曰南港。即茗溪。合平水溪。燥溪。靈
溪。東北流。北源曰北港。合順溪。東流會於縣西
南名鰲江。左納梅溪。又經縣南為橫陽江。又東
入於海。雙港溪自福建福甯府壽甯縣南流。其
左岸經泰順縣南界。又東南流至交溪渡。泗溪

出縣東西南流。合福甯府福鼎縣之占嶺下溪水。西流來會。又西南入福甯府福安霞浦二縣界。沿浦赤溪南塘河。並在平陽縣南入於海。官塘河出樂清縣西北風門嶺。過縣治西南流。西出支津為上河。合白石河與正渠。並南入於海。白龍河石埭河。並出樂清縣北。合東南流。蒲溪白溪清江。即芙蓉溪。並出縣北。俱東南流入於海。北雁蕩山在樂清縣東北。南雁蕩山在平陽縣西。府東至南界海。西及西北界處州府北。及東北界台州府。西南界福建福甯府。

處州府圖







處州府在省治南七百一十里至

京師三千九百里。領縣十。治麗水。西松陽。東南青田。西南雲和。景甯。龍泉。慶元。西北宣平。遂昌。東北縉雲。甌江二源。南源曰大溪。上游為秦溪。出慶元縣西北蠻頭山。東北流經龍泉縣西南合小梅溪。又東北。漿溪。桑溪。並出縣西南合東流注之。又東北。過縣治南。錦川。獨源溪。並出縣西北合東南流注之。是為大溪。又東。左納大貴溪。右納鐵杓溪。又東北。左納道太溪。右納安仁溪。又經雲和縣北。浮雲溪。出縣西南。黃棧坑山。東

北流合霧溪黃溪雲璵溪折北注之。又東北經府治西南大港頭市會北源。北源曰松陰溪。上游為呂川。出遂昌縣西南貴義嶺。東北流經縣治南。折東南經松陽縣西北。始為松陰溪。右納大竹溪。左納竹坑水。又東南經縣治南。右納蛤湖水。左納循居溪。又東南與大溪會。大溪又東北經府治西。受畎溪。溪上游為上坦溪。出宣平縣東北青風嶺。西南流經縣治東南。交溪出西。北寨峯屈東南為東溪。來注之。又東南為午溪。日溪出麗水縣北離陽屏山。西流錯經金華府。

定海廳圖





定海廳在省治東南六百二十里至

京師三千六百五十里。懸居於海島嶼星羅其大者曰舟山普陀山在治東。六橫山桃花山在治南。金塘大榭在治西。岱山蘭秀在治北。衡山長塗在治東北。大小漁山馬目山冊子山在西北。廳四面均界海。